



Na osnovu člana 69. stav 2. tačka e), člana 70. st. 1. 4. i 6. i člana 100. stav 3. Zakona o javnim nabavkama („Sl. glasnik BiH“, broj 39/14) i Rješenja Ureda za razmatranje žalbi broj: JN2-03-07-1-1588-8/20 od 23.07.2020. godine, u otvorenom postupku za izgradnju eko kuće Smetovi, Gradonačelnik donosi:

## **ODLUKU o poništenju postupka javne nabavke za izgradnju eko kuće Smetovi**

### **Član 1.**

Ugovorni organ postupajući po članu 100. stav 3. Zakona o javnim nabavkama, djelimično usvojio žalbu ponuđača „ITC“ d.o.o. Zenica podnesenu na Odluku o izboru najpovoljnijeg ponuđača, čime je odbacio ponude ponuđača „UNIPROJEKT“ komerc inženjering d.o.o. Zenica, „NEIMARI ŠERIĆI“ d.o.o. Zenica, „MEGAGRADNJA“ d.o.o. Zenica i „PROGRAD“ d.o.o. Žepče kao neprihvatljive.

Poništava se otvoreni postupak za izgradnju eko kuće Smetovi u skladu sa članom 69. stav 2. tačka e) Zakona o javnim nabavkama, iz razloga što su cijene ostalih prihvatljivih ponuda znatno veće od osiguranih sredstava.

### **Član 2.**

Stavlja se van snage Odluka o izboru najpovoljnijeg ponuđača broj: 02-11-6396-2/20 od 11.05.2020. godine kao i Odluka o poništenju postupka javne nabavke broj: 02-11-6396-3/20 od 22.05.2020. godine.

### **Član 3.**

Za izvršenje ove odluke zadužuje se i ovlašćuje Služba kabineta Gradonačelnika.

### **Član 4.**

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

### **Član 5.**

Ova odluka stupa na snagu danom donošenja.

## **OBRAZLOŽENJE**

Postupak javne nabavke pokrenut je Odlukom o pokretanju postupka javne nabavke broj: 02-11-6396/20 od 19.03.2020. godine.

Obavještenje o nabavci broj: 1355-1-3-76-3-31/20 objavljeno je na Portalu javnih nabavki dana 25.03.2020. godine i u Službenom glasniku BIH broj: 20/20 od 03.04.2020. godine.

Procijenjena vrijednost za predmetnu nabavku iznosila je 760.000,00 KM bez PDV-a.



BOSNA I HERCEGOVINA  
FEDERACIJA BOSNE I HERCEGOVINE  
**GRAD ZENICA**

Ponudlač „ITC“ d.o.o. Zenica podnio je žalbu dana 22.05.2020. godine na Odluku o izboru najpovoljnijeg ponudlača 02-11-6396-2/20 od 11.05.2020. godine, Ugovorni organ postupajući po članu 100. stav 3. Zakona o javnim nabavkama djelimično usvojio žalbu žalitelja „ITC“ d.o.o. Zenica, te odbacio ponude ponudlača „UNIPROJEKT“ komerc inženjering d.o.o. Zenica, „NEIMARI ŠERIĆI“ d.o.o. Zenica, „MEGAGRADNJA“ d.o.o. Zenica i „PROGRAD“ d.o.o. Žepče kao neprihvatljive. Analizirajući ostale prihvatljive ponude, Ugovorni organ je utvrdio da su cijene ostalih prihvatljivih ponuda znatno veće od osiguranih sredstava.

Shodno tome, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

### **POUKA O PRAVNOM LIJEKU**

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BIH 6, 72 000 Zenica, u roku od 10 (deset) dana od dana prijema Odluke. Žalba se podnosi u 3 (tri) primjerka, kako bi mogla biti uručena izabranom ponudlaču, Uredu za razmatranje žalbi i Ugovornom organu. Žalba se podnosi neposredno Ugovornom organu u pisanoj formi.

Broj: 02-11-6396-6/20

Datum: 27.07.2020. godine

#### **DOSTAVLJENO:**

- 7 x Ponudlač
- 1 x Služba kabineta Gradonačelnika
- 1 x Tenderska dokumentacija
- 1 x a/a



**GRADONAČELNIK:**

Fuad Kasumović